



In Gottes gna- A.
 den/ Wir Johan Sigmundt Marg-
 grave/ vnd Churfürst zu Branden-
 burg/ als Legitimus Administrator
 vnserer geliebten Gemahlin/ Fräwen Anna / geborner
 Hertzogin in Preussen: Vnd Wir von desselben Gna-
 den Philips Ludwig Pfalzgrave bey Rhein/ ic. als
 gleichmässiger legitimus Administrator vnserer ge-
 liebten Gemahlin/ Fräwen Anna / Pfalzgräfin bey
 Rhein/ geborner Hertzogin zu Göllich/ Cleue / vnd
 Berg/ ic. Vnd dann wir Wolfgang Wilhelm Pfalz-
 grave bey Rhein/ ic. als Bevollmächtigter vnserer gne-
 digen geliebten Frau Mutter erstgedacht. Beken-
 nen vnd thun kundt hiemit öffentlich: Demnach nach
 begebenem tödlichen Abgang weylandt des Hochge-
 bornen Fürsten / Herrn Johan Wilhelms Hertzogen zu
 Göllich/ Cleue/ vnd Berg/ ic. Christmüter Gedäch-
 nuß/ vnserer des Churfürsten zu Brandenburg gelieb-
 ter Bruder/ Marggrave Ernst/ zu Brandenburg/ vnd
 Wir Pfalzgrave Wolfgang Wilhelm / als beederseits
 in die Göllichische Lande sonderbaher abgeordnete / auß

vielen wichtigen / erheblichen Ursachen / Zuverfom-
 mung vnd Abwendung gewissen Nachtheil vnd Scha-
 dens/ so den samentlichen Interessenten an diesen Lan-
 den sonsten zu befahren gewesen / bewogen / vnd gleich-
 samb getrungen worden: Uns beyderselts in der Eyl/
 durch zuthun embsige vnd eyfferige Bemühung / vnnnd
 Interposition des Hochgebornen Fürsten / Herrn
 Morizen Landtgraven zu Hessen/ıc. Unsers freunds-
 lichen lieben Vetteren vñ Gevatteren/ gedachten samts-
 lichen Interessenten / so wol auch den Gälischischen/
 vnd andern zugehörigen Landen selbstem zum besten/
 eines Interim Mittels provisions weiß / zu Dort-
 mundt/ vnderm letzten Maii/ nechst verschiene Jahr zu
 vergleichen/ vnd aber des Hochgebornen Fürsten Herrn
 Johansen Pfaltzgraven bey Rhein/ıc. Unsers freunds-
 lichen lieben Vetteren/ Sohns / vnd Brudern L. zusor-
 derst aber dero Frau Mutter / Frau Magdalena / ge-
 borne Herzogin zu Gälisch/ Cleve/ vnd Berg/ıc. ab sol-
 cher Vergleichung vngerecht des reservats, so der Ver-
 gleichung ihrer / so wol auch des Marggraven zu Bur-
 gaw/ vnd dessen Gemahlin LL. wegen/ einverleibt ge-
 wesen / Beschwerung getragen / vnd solche für præju-
 dicerlich / Ihr / vnd Ihrem bey diesen Gälischischen ıc.
 Landen Succession habenden Recht angezogen/ Laut
 des sub dato am 1. Julij Anno, &c. 1609. an Marg-
 grave Ernst zu Brandenburg/ vnd ons Herzog Wolff-
 gang Wilhelmen Pfaltzgraven ıc. abgangenen Schreits-
 bens/

bens/ Daß Wir Herzog Wolfgang Wilhelm/ neben
 Sr. Maggrave Ernsts L. darauff/ durch ein sonderbah-
 re Abordnung S. Herzog Johansen Pfalzgraven/ vnd
 dero Fraw Mutter LL. vnser Intents durch angerege-
 te auß tringenden Ursachen enlfertig vorgenommene
 Vereinigung in einigem weg zu præiudiciren gemeint
 gewesen/ so dann auch sonsten vom gantzen Verlauff
 Bericht vnd Information thun lassen/ Der gestallt/
 daß ihre L. vff embsige vnd zuständige Erinnerung vnd
 Vnderhandlung des Herrn Churfürsten Pfalzgraven
 ic. Württemberg vnnnd Badens/ ic. LL. vnd endlich
 sich ihres theils/ vermög ihrer deßhalb an Marggrave
 Ernsten zu Brandenburg/ vnd vns Herzog Wolfgang
 Wilhelmen Pfalzgraven/ ic. so wol auch die sametliche
 Landtstände / gethanen sonderbahren Erclerungs-
 schreiben damit benügen lassen/ Doch wo fern wir vns
 deßwegen gegen deroselben etwas mehrers erclerten/
 vnd zu bezeugung dessen ein sondere Schrift dero ein-
 hendigten vnd oberreichten/ Wann dann wir die Prin-
 cipaln selbst/ so wohl als wir Herzog Wolfgang Wil-
 helm Pfalzgrave/ ic. dessen durchaus kein Bedenckens
 gehabt/ So bekennen vnd ercleren wir vns ferner hie-
 mit in Crafft diß in bester Form vnd Maß es immer ge-
 schehen kan / oder mag / Daß durch die angeregte zu
 Dortmundt vnder dem letzten Maij negsthin/ auffge-
 richte mit Handen vnd Sigell becräftigte/ auch seithe-
 ro von vns den Principaln ratificierte Vergleichung/

weder offtbemelten Fürstlichen Zwenbrückischen Frau Wittiben/ zc. noch auch einigen Ihrer L. Erben/ vnsern freundlichen lieben Baasen/ Nuhmen/ Schwägerin/ Vetter/ Sohn/ vnd Brudern/ nichts zu nachtheil weder in possessorio noch petitorio, in keinerley weiß noch weg/ wie das erdacht werden möchte / verhandelt/ oder verhandelt haben wöllen/ Daß auch das jenig/ so wir Grafft mehrgedachter Dortmündischer Vergleichung/ oder sonsten auch noch ferner in diesen Landen vornehmen/ vñ anordnen würden/ Ihrer LL. gleicher massen zu keinem Verfang/ Abbruch/ oder Schmälerung Ihrer habenden Befignus/ oder Recht / bey dieser Succession in einigen wege nicht gereichen/ verstanden vnd gedeutet werden/ sondern soll Ihren LL. ihr Recht/ Anspruch/ vñnd Forderung/ an die sambtliche hinderlassene Göllichische zc. Lande durchaus ganz vollkommenlich/ vnd allerdings ungeschmählert/ aller massen als wan diese Dortmündische Vergleichung niemalen were getroffen/ oder auffgericht worden / vorbehalten seyn vnd bleiben/ biß entweder durch güttliche oder rechtliche Erörterung diese Sach hingelegt/ vñnd ihre Endschafft erreicht haben wird/ Auff welchen fall wir sambt vnd sonders hiemit bey vnser Fürstlichen wahren Worten/ Trawen vnd Glauben versprechen vnd zusagen / dem jenigen so der gestallt güttlich oder rechtlich einem oder dem andern ab: oder zuerkandt wird/ ohne einige Ein: oder Widerredt/ würcklich zu gelehen/ vnd
 volln:

vollinsireckung zu thun. Daben wir vns dessen auch hiemit erelären/ daß J. LL. in dem zwischen Marggrave Ernsten zu Brandenburg/ vnd vns Hertzog Wolff: Wilhelm Pfalzgraven/ze. zu Dortmund/ vnderm dato den letzten Maij jüngsthin verglichenen/ vnnnd von vns vnderschiedenen vnd gefertigten Aufstrag/ oder einem andern/ dessen man sich noch vergleichen möchte/ so wol als wir begriffen seyn/ Auch zu dero bevorstehenden Tractation/ durch die allbereit erbettene/ oder andere Vnderhandler/ oder Schiedts Richter/ erfordert/ zugelassen/ vnd wegen dero anforderung gehört/ vnd also diese gemeine Sach Coniunctim & pari passu fürgenommen/ verglichen/ oder entscheiden werden soll.

Zu Brkandt haben wir die obbenante Chur: vnd Fürsten diesen Brieff mit eygnen handen vnderschiedenen/ vnd mit vnsern Secreten versiegelt/ vnd becräftigt. Geschehen zu Hall in Schwaben/ den vier vnd zwanzigsten Januarij/ im sechzehnhundert vnnnd zehenden Jahr.

Hans Sigmundt
Churfürst.

Phillips Ludwig
Pfalzgrav/ze.

Wolfgang Wilhelm
Pfalzgrav/ze.

Hertzog